

*De Dn. M. Nicodemi Sitzlini casu anatomico, qualia interiore  
ra viscera reperta, observatio singularis notatu dignissima  
præsertim quoad symptomata melancholica.*



Um insignis ille pictor Nicostratus, artificio Sam Helenæ à Zeufide delineatam contrafeturam, diu intuitus, cūdam percontanti, cur ita stuperet & picturis hæret, respondit, utinam meos haberes oculos. Ejus rei oculos artis ut habeat, necessum est, qui dextrā velit adhibere censuram. Cum haud ignotum mihi, reperiri nonnullos, rerum naturalium & anatomicarum imperitos, de nuperā sectione & apertione cadaveris, parum æquos arbitros tibi notos, proin haud abs re duxi, si & animi mei cogitata declararem, & sententiam communicarem, de casu illo perquam raro, & notatu dignissimo. Optarim chirurgum majorem habuisse rei anatomicæ peritiam, ut parenchymata cordis & pulmonum, eorumque vasa salva ac integra, nobis ob oculos constituta, ad multò exactiorem morbi, ipsius defuncti, cognitionem pervenire licuisset. Oportebat chirurgum esse instructum accommodatoribus instrumentis, præsertim parvis & acutis cultellis (at sola novacula erat ad manum.) Si gula vasa separanda & seorsim

illæsa monstranda. Si cuncta ex arte administranda, opus diuturniore moræ: at omnia derepente (vix semihoræ spacio) peracta; nec longiorē moram ferebat mea Naturæ, (dum ab hora decimâ vespertinâ, integrum noctem insomnem duxi, clinicum agens, & ægro adstantis, donec hora nona matutinâ expiravit, & undecimâ post cadaver referatum,) & erga defunctum sympathia. Ni ea ipsa nocte, quæ animam efflavit, sibi fore gratum retulisset, si resecto corpore, inquisitio fieret causæ morbi, in primis verò affectus melancholici per annos complures durantis scaturigo investigaretur, intactum cadaver permanisset. Mea intentio erat, aperto tantummodo peccatore contemplari Pulmones & Cordis ventriculos, corumque vasa, in quibus videbatur hætere ac confistere causa morbi.

Cum aliquot septimanarum spacio, excreta materia tum purulenta, tum pituitola crassæ ac viscosa, quæ licet magnâ & stupendâ copiâ pertusim rejecta, tamen malum indies non remissius evasit, quin incrementum in momenta sumens, tandem suffocationi occasionem dederit.

Exin

Exin haud dubia conjectura capienda, pectus totum fuisse factum ac repletū materiā purulentā & phlegmaticā, prorsertim à capite descendente, partim ex indigestione ibidem collectā, certa mihi persuasio, materiali illam in pectore hospitantem, tandem per ~~peritacutis~~ ad pulmonum & ipsius etiam cordis vasa amandatum, repentinam ac insperatam suffocationem invexisse. Cum à chirurgo omnia illa vasa dissecta, obstante hæmorrhagiā, cuncta penitus rimari, palam contueri & observare, haud erat integrum,

Medici ~~ad~~ illud, quo æger abruptus, empyema indigitare solent. Hippocrates lib. 4. aph. 38. catarrhi defluentes in superiorem ventrem, (Galenus in comment. pectus intelligentem monet,) ad suppurationem veniunt, intra dies viginti. Si succi in capite, venis magnis, vicinis, vel toto corpore confluentes, expectorato non excluduntur, ob inclematatem partium, materiæ contumaciam, vel viarum angustiam. Defunctus aliquot ante obitum septimanis, nocturno in primis tempore, quatuordecim dierum spatio, infestatus gravissimis destillationibus, affatim è capite descendantibus, & in asperam arteriam subito irruentiibus, ut non nisi recta cervice spirare fas, & non raro ingens impenderet suffocationis discrimen. Quin & ex infernis partibus per ~~stragulis~~ re-

stagnantes serosos humores, pectus replevisse, à ratione haud alienum. Sed unde tanta lâburra pituitosorum & serosorum humorum, suuna habuit exortum ac proventum. Uno atque altero vetbo ut absolvam, à defectu caloris nativi, nullam probam digestionem procurantis. Ast quæ causæ, quod illæ tanto pere violatus, ut suum ritè obire munus nequeat. Possunt esse vel internæ, vel externæ. Quoad internas, obtigit illi Natura frigidior ac siccius & planè melancholica, prout ex toto corporis constitutione aridæ ac macilenta, facie livida, barba nigra, patescit, exin ab ipsa statim adolescentia, melancholia hypochondriæ erat obnoxius ac subjectus: cerebrum obvenerat frigidius ac siccius, quia ~~aygav~~ & catarrhosus, in rebus peragendis tardior: cor & ipsum frigidiore dotatum intemperie, cuius ~~risipheis~~ metus, mæstitia, pusillanimitas, jugiter molestantia: Epar olim in juventute videbatur fuisse calidius, cum ille attrabilarius, at progrediente ætate, evalit frigidius, prout ex serosa massa sanguinæ, colore Jecoris pallido ac plumbico, & vesicâ grandiore aquoso repletâ humore, connexæ illius parti adhærente innotuit. Quoad causas externas? Ad Naturam à primo seminio haud probam, maturius æquo evertendam ac prosternendam, plurimum momenti contulisse, enor-

mes excessus ægui, in cibo ac potu nullum delectum observantis, in quantitate & qualitate: crapula pænè quotidiana, Baccho indulgens, non tam desiderio vini, quam ad contemperandos ac demulcendos acriores atræ bilis funos, Naturam mordentes ac vellicantes, & animum exhilarandum, formidinem ac tristitiam fugandam & propulsandam. Inordinatae victus rationi accessere *αγεντια* plus quam annua, ut media nocte ad lychnum legere solitus, dum somnus obrepit: cerebrior usus validiorum etiam pharmacorum: spacio annuo, bis in acidulas profectus, primâ aestate, Ilbenhusanas, alterâ vero Swalbacenses, mensuratum absorbens, exin vix ultra annum, in vita superstes mansit. Cum igitur tot ac tantos, per totum viræ decursum, commiserit errores, quid miri, si calor naturalis ingenitum passus est jacturam, *πολυφαγia* & *πολυωσις* suffocatus: copioso acidularum haustu, extinctus: frequentiore medicamentorum ingurgitatione, resolutus. Exin haud operosum venari causas catarrhi suffocativi, è capite depluentis: Eparis ad hydropem dispoliti: & empyematis nothi in pectori delitescentis, quæ symptomata cuncta, à defectu caloris nativi scaturunt.

De Empyris Hippocrates lib. 7, aph. 44. Si purum & album pus prodeat, linoz evadere, si subcruentum

& cænosum, mori. Ratio est in promptu, si enim pus purum ac uniforme in substantiæ modo, indicio calorem nativum, cunctas ejus partes penetrans: si album, denotatur partium solidarum robur ac integritas: si vero subcruentum ac cænosum quasi luculentum, argumento, quod pepasmī expers, ex inopia caloris nativi. Tale visum in demortuo aliquot ante obitum diebus, dixisse lutum viscosum cruento imbutum. Quare haud magnopere suspiciendum, affectum illum fuisse lethalem, Naturâ nequeunte evincere ac superare tam contumacem hostem, ex inopia caloris, qui *ανηράθεια* est præcipuus coctionis, omnium operationum naturalium author & morborum dominor, quo languente, quid opera medica: vana & irrita. Ne Aesculapius, si ab orco revocari potuisset, ad opitulandum, quidpiam laude dignum præstitisset.

Sed reliquo Empyemate, nunc inspicienda & cætera viscerá, quomo-  
do fuerint disposita. Erat æger *μητροκορωνικός*: notatu perquam dignum, omnia interna membra, Epar, pulmones & cor, in tam arido & exucco corpore admodum grandia & pallida ac pænè plumbei caloris visa, haud aliter colorata, ac defuncti adhuc superstitis facies tincta & plane livida. Cum Epar sit officina & principale instrumentum facultatis *αιματοποιίας*, tam pallidum, nihil miri, totam

totam massam sanguineam, consimili colore è mortuo infectam, & exin progenitum humorem melancholicum. Exorta namque suorum principiorum Naturam refertunt, qualis causa, tale causatum, alteratum sequitur Naturam alterantis. In homine evrato & fano, Epar & Lien, colore sanguineo apparent, exin sanguis floridus ac rubicundus generatur: in Natura autem melancholica, ad livorem devergentia, consimilem sanguinem producunt. Recordor, cum aliquando venæfectioni adessem & sanguinem emissum contemplatus, cum lividi ac plumbei coloris, observavi, haud secus ac Epatis illius constitutio deprehensa. Ergo color parenchymatis ipsius Epatis substantiae portius videtur in causâ ac culpâ generatio- nis humorum, quam temperatura: vel ab intemperie frigidiore emer- git: & ab utroque, & colore & ~~temperatu~~ frigidiore, tales humores, pro- cedunt. Prout in illo subjecto, sudes anatomica, luculentum submini- stravit testimonium. Quin & re- perta vesica grandior, instar nivis candida, in gibba Epatis parte, pel- lucida, aquoso conferta humore, quæ hydropis prænuncia. Exin Hip- pocrates lib. 7. aph. 55. Quibus Epar aqua plenum in omentum erupe- rit, iis venter aqua repletur & mo- riuntur. His adstipulatur Galenus in comment, inquens, aptissimum

Epar est vesicas quasdam aquâ ple- nas, ~~videlicet~~ græcè appellatas, in ea, quæ ipsum ambit exterius membra- nā, generare: videtur in jugulatis a- nimalibus Epar his aliquando ple- num, si contingat eas disrumpi, ef- funditur aqua in abdomen.

Ex Epatis & Lienis continuatis solutione, ascitem fieri, Fernelius as- serit, qui licet eo nomine incurrit in quorundam reprehensionem, (non in omnibus hydropticis id contingit, ast quin sæpius ita eveniat, contesta- tur ~~avrovia~~.) Sed suffragatur Plate- rus afferens, se frequenter ipsa fe- citione cognovisse, ex filia illorum substantia, ac dehiscente, ita evenis- se: dehinc serum è vasis vene portæ & cavae penetrans & sub tunica exudans, illic coercitum eas à sub- jectâ carne separando, aquâ reple- visse & in vesicas elevassè, quibus disruptis, aquam in abdomen pro- fluxisse, cuiusmodi vesicas plures, interdum amplas limpidasque, Epati & Lieni adnatas, in hydrope extin- ctis, se depræhendisse. Exin patescit, si Fata ipsi defuncto, diurniorem hujus lucis usuram concessissent, quin tandem ab hydropsi, in barathrum sepulchrale, præcipitatus fuisset, nî ab Empyemate & orthopnæa, maturius sublatus. Melan- choliæ hypochondriacæ tam contu- maci & ultra viginti annos duranti, occasionem haud levem suppedita- vit, vitiosa Lienis à Naturâ confor-

matio in diminuta quantitate, qui admodum pusillus, vix dimidiae palmae manus & lividi coloris in conspectum venit, unciae unius pondus haud excedens, cum tamen Dn. D. Kiechelius, primarius olim illius Medicus, asseverare non dubitarit, illius affectus causam esse Lienis magnitudinem, aliquot librarum pondere, quantoper à scopo aberrarit, ipsa *avrophia* redarguit. Cum Lien eum in finem delinatus à Naturā, ut massam sanguineam depurget à fæce melancholica, aut chyli parte crassiore, proin si justo minor, non potest tantum attrahere, quantum Natura exigebat, idcirco è venis regurgitans ac restagnans, per totum mesenterium dimanat ac diffundit. Huic observationi adstipulatur Andreas Laurentius, referens, sibi cognitam Illustrēm familiam, melancholia hypochondriacæ obnoxiam, ex qua nonnulli præmaturā morte sublati, neq; ulli causæ, præproperum Fatum, imputari potuisse, quam exigitat splenis, sua functioni à Naturā destinatae, satisfacere nequeuntis.

Cor ingens, ratione proportionis corporis le ostentavit, quin & ejus duo ventriculi repleti sanguine crasso & nigerrimo, instar atramenti, qui index humoris melancholici,

quidigitur miri, si defunctus, dum in vivis, semper conquestus de formidine, mæstitia & pusillanimitate. Ad hilaritatem procurandam, requiritur sanguis calidus & humidus ac floridus, & rubicundus, exin spiritus emergunt clari ac puri, lætitiae & magnanimitatis auctorites. Cum in demortuo omnia parenchymata pallida, à frigidâ intemperie talia redditæ, (quaæ & lætitiae, & vitæ adversaria,) & in cordis utroque sinu merus sanguis ater detentus, exin etiam spiritus vitales & animales, (cum hi ex illis suam habeant *spiritum*,) prodierint opaci ac obscuri, timorem & mæorem concitantes. Proin haud inscitè Galenus, quod sicuti externæ tenèbrae omnibus hominibus pavorem inducunt, nî vel audaces, vel docti fuerint: ita atræ bilis color, mentis sedem tenebris similem reddens, timorem efficit, cum melancholici semper mæstiae & terroris causam secum circumferant.

Dubium non est, quin in defuncti cadavere, si in abdomen aperto exactior disquisitio facta, multa alia consideratione ac contemplatione digna occurserint, nî temporis angustia, & chirurgi incuria, *reppererint* non observantis, obstinassent,

EPI-